



JAFNRÉTTISSTEFNA MENNTASKÓLANS AÐ LAUGARVATNI

Jafnréttisstefna Menntaskólans að Laugarvatni byggist á lögum um jafna stöðu og jafnan rétt kynjanna, nr. 150/2020. Samkvæmt 15. grein laganna skal gæta samþættingar kynja- jafnréttissjónarmiða við alla stefnumótun og áætlanagerð í skóla- og uppeldisstarfi. Nemendur skulu hljóta jafnréttis- og kynjafræðslu við hæfi þar sem m.a. er kennt um kynjaðar staðalmyndir, kynbundið náms- og starfsval og málefni fatlaðs fólks og hinsegin fólks.

Öll námsgögn skulu þannig úr garði gerð að kynjunum sé ekki mismunað og í náms- og starfsráðgjöf skulu nemendur hljóta fræðslu og ráðgjöf í tengslum við sömu störf, óháð kyni. Hvers kyns mismunun er óheimil í námi og félagslífi.

Í Menntaskólanum að Laugarvatni eru gerðar sérstakar ráðstafanir til að koma í veg fyrir að starfsfólk og nemendur verði fyrir kynbundnu ofbeldi, kynbundinni áreitni eða kynferðislegri áreitni í námi eða félagslífi. Enginn skal látinn gjalda þess að hafa tilkynnt eða kært kynbundna eða kynferðislega áreitni eða kynjamismunun.

Í Menntaskólanum að Laugarvatni er talið mikilvægt að nýta til jafns þá auðlegð sem felst í menntun, reynslu og viðhorfum óháð kyni. Jafnréttisstefnan gildir um alla starfsemi skólans og á við um bæði nemendur og starfsfólk. Jafnréttismál og leiðir til að vinna að jafnri stöðu kynjanna skulu vera virkur þáttur í starfsemi skólans.

Skólinn setur sér jafnréttisáætlun til þriggja ára í senn til að vinna markvisst að ofangreindum áherslum. Hún miðast að því að unnið sé gegn hvers konar mismunun, svo sem á grundvelli aldurs, fötlunar, litarháttar, uppruna, kynhneigðar eða stöðu að öðru leyti. Markmiðið er að skapa fordómalaust skólaumhverfi.